

綱鑑易知錄

南北

三十八之九

113
537
21



413
537
21

尺木堂綱鑑易知錄卷三八

北房仙次郎氏

周之炯靜專

通鑑綱目定本

山陰吳乘權楚材同輯

周之燦星若

梁紀附北魏東西魏

高祖武帝

綱戊申梁大通二年魏孝昌四年春正月魏大赦

魏潘嬪生女胡太后詐言皇子大赦改元綱魏太后

胡氏進毒弑其主詔而立臨洮王世子釗昭法書子其

綱鑑易知錄

卷三八

南北朝梁武帝魏孝

一

劉貴薦高
榮於爾朱
高歡翦悍

也書弒何尊無二上也於是詔立十四年矣非大無道太后安得毒而殺之綱目於其生也正其名曰魏主之子於其死也書以主而正其罪曰弒所以尊先君重社稷且以明無二上之義也豈其日已子而可以率意殺之哉終綱目書太后
太后再臨朝以來嬖倖用事政事縱弛盜賊蠡起封疆日蹙魏主年浸長太后自以所為不謹凡魏主所愛信者輒以事去上之務為壅蔽不使知外事由是母子之間嫌隙日深是時車騎將軍六州大都督爾朱榮兵彊劉貴段榮尉景蔡儁皆歸之貴屢薦高歡於榮榮見其憔悴未之奇也廐有悍馬命歡翦之歡不加羈雞絆半馬絡

馬

此賀六渾之意

頭曰羈繫而翦之竟不蹄鬻起謂榮曰御惡人亦由是矣榮奇其言坐之牀下屏丙左右訪以時事歡曰聞公有馬十二谷數饒不可計算故以山谷多少言之色別為羣畜此竟何用也榮曰但言爾意歡曰今天子闇弱太后淫亂嬖孽擅命朝政不行以明公雄武乘時奮發討鄭儼徐紘之罪以清帝側霸業可舉鞭而成此賀六渾高歡之意也榮大悅自是每參軍謀并兵州今山西太原府刺史元天穆與榮善榮兄事之常與天穆及賀拔復岳密謀舉兵入洛魏都洛陽內誅嬖倖外清羣盜二人

皆勸成之。表請不聽。遂舉兵塞井陘。刑。今直隸真定府井陘縣。魏主亦惡儼紇等逼於太后不能去。密詔榮舉兵內向。欲以脅太后。榮以高歡為前鋒。至上黨。今山西潞安府。魏主復以私詔止之。儼紇恐禍及已。陰與太后謀。酖見一卷。魏主殺之。偽立皇子為帝。既而下詔曰。潘嬪所生寶皇女也。臨洮。今陝西臨洮府。世子釗高祖之孫可立。遂迎釗即位。生三年矣。太后欲久專政。故立之。爾朱榮聞之。大怒。謂元天穆曰。吾欲赴哀山陵。翦誅姦佞。更立長君。何如。天穆曰。如此則伊霍。伊尹。霍光。復見於今矣。

魏爾朱榮
沉太后及
幼主於河

綱三月。魏爾朱榮舉兵晉陽。夏四月。至河陽。立長樂王子攸。而沉去聲太后胡氏及幼主釗于河。殺王公以下二千人。自為都督中外諸軍事。封太原王。遂入洛陽。書反也。不書反。書舉兵何。正太后之為賊也。然至法於沉幼主殺王公二千人。則榮亦賊矣。書曰遂入洛陽。入惡辭也。然則釗太后所立也。其成之為幼主何成之為幼主。所以正罪榮也。**曰**爾朱榮與元天穆議。以彭城武宣王名有忠勳。其子長樂王子攸。素有令望。欲立之。遣從子天光告之。子攸許之。榮乃起兵發晉陽。今山西太原府太原縣。太后用徐紇計。遣李神軌帥眾拒之。別將鄭先護。鄭季明守河橋。造舟為梁。

在河南河南府孟津縣。四月子攸潛自高渚渡河會榮於河陽。即孟津縣。濟河即位以榮為都督中外諸軍事封太原王。先護季明開城納之。將軍費穆亦降。徐紇鄭儼皆亡走。太后落髮出家。榮召百官奉璽綬備法駕迎於河橋。遣騎執太后及幼主至河陰。今河南開封府河陰縣。沉之。河榮至陶渚引百官集於行宮。西北列胡騎圍之。責以天下喪亂。肅宗暴崩。朝臣貪虐不能匡弼之罪。因縱兵殺之。自丞相高陽王雍司空元欽儀同三司元略以下死者二千餘人。榮所從胡騎殺朝士既多不

魏元謀爭遷都

魏立肅宗嬪爾朱氏為后

敢入洛。榮乃議欲遷都。其將汎禮固諫。乃奉魏主入城。大赦。榮猶執遷都議。都官尚書元謀爭諍之。榮怒曰。河陰之役。君應知之。謀曰。天下事當與天下論之。奈何以河陰之酷。恐元謀乎。謀國之宗室。位居常伯。正使今日碎首流腸。亦無所懼。榮大怒。欲抵謀罪。謀顏色自若。乃捨之。後數日。榮與魏主登高。見宮闕壯麗。列樹成行。杭乃歎曰。元尚書之言不可奪也。由是罷議。**綱**五月。魏立肅宗嬪爾朱氏為后。書肅宗何魏法主其叔也。立后書氏恆也。書曰立肅宗醜之甚矣。然則其不黜魏主何兼罪榮與其臣也。**目**榮女先為

肅宗孝明帝嬪榮欲魏主納以為后魏主疑之黃門侍

郎祖瑩曰昔文公在秦懷嬴入侍左傳僖公十七年晉惠公夷吾太子

圍質於秦秦以嬴氏妻之二十一年子圉逃歸是為懷公故嬴氏號懷嬴二十三年晉公子重耳奔秦秦

伯納女五人懷嬴與焉事有反經合義陛下獨何疑

焉遂從之榮甚悅

反經合義
致堂胡氏曰反經合道先儒釋經之言而道之
蠹也反猶背也經即常也既已背常能合道乎
此言既行世之違犯正理者輒以自解其賊道
多矣或曰如舜不告禹傳子湯放桀武王誅紂
周公殺管叔仲尼出妻若此者非反經乎曰此
聖人處事之變是之謂權權者猶衡之石焉進
退前卻與所懸之物輕重適等故雖權也而輕
者不使之重重者不使之輕乃所以為經也故

經

權者道之中處也濟經而有權則道之用不窮
非聖人不能與豈變詐亂倫之謂哉祖瑩之言
違道甚矣晉文之失又何效焉正家者治國之
本初政者治亂之源魏子攸惑於邪說而不能
辨惕於強臣而不能正
早墜厥命於是乎在矣

綱爾朱榮還晉陽見上以元天穆為侍中錄尚書事兼

領軍將軍綱榮令元天穆入洛陽朝廷要官悉用其

腹心為之綱秋九月魏爾朱榮自為大丞相冬十

月梁立元顥皓○魏北海王四月奔梁為魏王遣將軍陳慶之將

兵納之

綱己酉梁中大通元年魏永安二年夏四月魏王顥拔榮城榮陽城

稱皇帝綱五月魏王顥取梁國今河南開封府祥符縣榮陽今開

封府榮陽縣虎牢關名在開封府汜水縣綱魏主子攸奔河內今河南懷

慶書名于攸何綱顥入洛陽以陳慶之為車騎大將

軍閏六月魏爾朱榮渡河魏王顥走死陳慶之

走歸梁魏主子攸歸洛陽榮自為天柱大將軍綱秋

七月魏以高道穆為中尉子壽陽今江

陽府公主行犯清路道穆擊破其車公主泣訴之魏

主曰中尉清直豈可以私責之道穆見魏主魏主勞

之道穆免冠謝魏主曰朕愧卿卿何謝也綱魏始鑄

天柱大將軍

永安五銖

梁主再捨身於同泰

寺

梁主親為四聖講涅

永安五銖錢見上卷三綱九月梁主捨身于同泰寺目梁

主幸同泰寺設大會釋御服持法衣行清淨大捨素

牀瓦器乘小車役私人親為去聲四眾釋氏經云比丘

二眾也優婆塞優婆註音丘華言乞士謂上於諸佛乞

夷此在家二眾也法資益惠命下於施主乞食資益色身比丘尼女僧

優婆塞亦梵語也秦言善宿男唐曰近事男一名清

信士優婆夷梵語講涅佛以人死其精神常存

夷者華言女也佛之死示寂滅而已非真死也楞伽經云音

乃不生不死之地一切脩行之所依歸也註音楞伽切

音羣臣以錢一億十萬萬奉贖表請還宮三請乃許

綱庚戌梁中大通二年魏末秋七月魏以宇文泰為

北周宇文泰

綱監身口錄

卷三十八

南北朝梁武帝魏孝

二

征西將軍行原州事。官宇文夷複泰從賀拔岳見上

入關以功遷征西將軍行原州今陝西平涼府鎮原縣事時關

關中今陝西臨洮府彭弊秦撫以恩信民皆感悅

曰早遇宇文使君吾輩豈從亂乎。綱九月長星見現

綱魏爾朱榮至洛陽與太宰元天穆皆伏誅。綱魏爾

朱榮雖居外藩遙制朝政魏主性勤政事數朔親覽

詞訟理冤獄榮聞之不悅城陽見上卷王徽侍中李

或都勸魏主除榮侍中楊侃僕射夜元羅膠東今山東萊

州府平侯李侃晞亦預其謀會榮請入朝徽等勸因

長星見

榮魏誅爾朱

其入刺殺之魏主疑未定而謀頗泄爾朱世隆榮從弟時

為僕射疑有變乃為匿名書云天子欲殺天柱見上以白

榮恃其疆不以為意九月至洛陽魏主即欲殺之

以元天穆在并州見上恐為後患故忍未發并召天

穆天穆至榮與天穆俱入坐李侃晞等抽刀從東戶

入榮即起趨御坐魏主先橫刀膝下遂手刃之天穆

亦死內外喜譟百僚入賀魏主登門大赦是夜爾朱

世隆帥榮部曲走屯河陰見上綱魏僕射爾朱世隆

反與汾焚州今山西汾州府刺史爾朱兆立長廣王曄葉于

長子。見三四卷三冬十二月入洛陽遷其主子攸于晉陽

見上而弒之。**綱**魏紇痕入豆陵步蕃紇豆陵虜三字姓步蕃名河西

賊帥也初魏主殺爾朱榮詔步蕃襲秀容大破爾朱兆于秀容。見上卷

爾朱兆使高歡統六鎮

及晉州今山西平陽府刺史高歡擊殺之兆使歡統六鎮。

書兆使何幸之也曷為幸之歡不得六鎮則爾朱未易亡也書曰兆使歡統六鎮天奪之魄矣

綱辛亥梁中大通三年魏節閔帝恭普泰元主朗中興元年春二月魏樂平王

爾朱世隆廢其主曄而立廣陵王恭。是為節閔帝**曰**爾朱

世隆兄弟密議以魏主曄疎遠無人望欲立近親廣

陵今江西南揚州府王恭羽高祖弟之子也好學有志度以元义

擅權。見上卷二六陽得瘖。因也疾郎中薛孝通說爾朱天

光曰廣陵高祖孝文帝猶子夙有令望沉晦不言多歷

年所若奉以為主則天人允協矣天光使爾朱產伯

潛往脅之恭乃曰天何言哉世隆等大喜乃廢曄而

立之邢子才為赦文敘敬宗孝莊帝枉殺爾朱榮之狀

魏主曰永安敬宗年號手翦強臣非為失德直也。以天未

厭亂故逢成濟之禍。見二九卷二耳魏主閉口八年至是

乃言中外欣然以為明主。**綱**魏河北今直隸真定府大使高

乾起兵信都以冀州迎高歡**曰**乾與前河內今河南懷慶府

魏節閔閉口八年乃言

太守封隆之等襲信都今真定府冀州奉隆之行州事為敬

宗舉哀誓眾移檄吸州郡共討爾朱氏高歡屯壺關

今山西潞安府壺關縣聲言討信都眾懼高乾曰吾聞高晉州

見雄略蓋世其志不居人下且爾朱無道弑君虐民

正是英雄立功之會今日之來必有深謀吾當輕馬

迎之諸君勿懼乃潛謁歡於滏滏水名在河南口彰德府磁州

說之說以討爾朱氏歡大悅初趙郡今真定府趙州太守李元忠趙

人家好酒無政績及爾朱兆弑敬宗元忠棄官歸謀

舉兵討之會高歡東出元忠乘露車載素箏爭濁酒

李元忠載箏酒迎高

歡

以迎歡歡未即見元忠下車獨酌謂門者曰今聞國

士到門不吐哺見三卷二輟洗見八卷二其人可知還吾刺

書姓名於奏白日刺勿通也門者以告歡遽見之引入觴再行

取箏鼓之長歌慷慨闕歌闕終日闕謂歡曰天下形勢

可見公猶事爾朱邪歡曰富貴皆彼所致敢不盡節

元忠曰非英雄也歡曰趙郡醉矣使人扶出長史孫

騰曰此君天遣來不可違也歡乃復畱與語元忠慷

慨流涕歡亦悲不自勝升元忠因進策曰殷州今河南

輝府獲嘉縣小無糧仗器不足以濟大事若向冀州高乾

此君天遣來

兄弟乾弟必為明公主。殷州便以賜委。冀殷既合。

滄今直隸河瀛。即河。今直隸定。今真定。府定州。自當彌服。

矣。歡急握元忠手而謝焉。歡至信都。封隆之高乾納

之。綱魏封其故主暉為東海王。綱魏以高歡為渤海

王。綱魏封歡為渤海即河。間。府滄州。王。徵之不至。乃以為東

道大行臺冀州刺史。綱夏四月。梁太子統卒。綱統寬

和容眾。喜怒不形於色。好讀書。屬視。文。引接才俊。不

蓄聲樂。每霖雨積雪。遣左右周行上。聲。問巷視貧者。賑

之。天性孝謹。及卒。朝野惋愕。諡曰昭明。綱梁主立子

昭明好讀書屬文天性孝謹

後梁蕭詧

綱為太子。六月。封孫歡為豫章王。譽為河東王。譽察

為岳陽王。綱初昭明太子葬丁貴嬪太子母。有道士云。

此地不利長子。請厭煙入聲。鎮也。之。乃為臘鶩及諸物。埋

於墓側。宮監鮑邈莫之。密啓梁主云。太子有厭禱。梁

主遣檢掘。得鶩物。大驚。將窮其事。徐勉固諫而止。及

太子卒。梁主欲立其長子華容。公歡為嗣。銜憾也。其

舊事。猶豫見九卷。久之。竟不立。既而立太子母弟晉

安王綱為太子。朝野多以為不順。侍郎周弘正以嘗

為綱主簿。乃奏記曰。謙讓道廢。多歷年所。願殿下抗

宮體

目夷之義。目夷即司馬子魚春秋宋桓公庶子而太且仁君其立之公命子魚子魚辭曰能執子臧之節以國讓仁孰大焉臣不及也遂走而退改澆競之俗以大吳國之風。吳太伯仲雍讓於諸樊綱不能從綱以徐摛鴟為家令兼管記摛文體輕麗春坊東宮官有左右二春坊學之時人謂之宮體梁主聞之怒召摛欲加誚責及見應對明敏意更釋然因問經史及釋教摛商校從宗橫梁主深歎異之寵遇日隆朱异見上卷不悅謂所親曰徐叟漸來見逼我須早為之所遂乘閒閒乘空閒處白梁主曰摛老愛泉

新安大好山水

魏高歡起兵討爾朱氏

石意在二郡梁主謂摛真欲之乃謂曰新安今江南徽州府

大好山水遂出為守尋以人言不息封歡譽等以

慰其心綱魏冀州刺史高歡起兵討爾朱氏書氏者

族可誅也故不書主名是故霍氏舉族皆反則書氏爾朱氏舉族可誅則書氏綱目一字之筆削嚴矣

霍氏見十綱冬十一月魏高歡立渤海太守元朗自

為丞相敗爾朱兆等軍于廣阿今直隸真定府隆平縣

綱壬子梁中大通四年魏普泰二年春正月梁封西

豐侯正德見上卷為臨賀王正德自結於

德失職綱魏丞相歡克相州今河南彰德府以楊愔為行臺

右丞。綱三月。魏主朗入居于鄴。今彰德府臨漳縣。高歡自為

太師。綱閏月。魏爾朱天光等會兵攻鄴。爾朱天光自長安。爾朱兆

自晉陽。爾朱度律自洛陽。爾朱仲遠自東郡。皆會於鄴。高歡擊破之。北還晉陽。仲遠奔東

郡。度律天綱夏四月。魏將軍斛斯復椿執爾朱天光

光走洛陽。綱度律送鄴。世隆伏誅。仲遠奔梁。綱高歡入洛陽。廢其

主恭及朗。而立平陽王脩。孝文帝孫。是為孝武帝。自為大丞相。

綱魏爾朱度律天光伏誅。五月。魏封其故主朗為

安定王。魏主脩弒其故主恭。秋七月。魏大丞相

高歡據晉陽

歡討爾朱兆。走之。北走。秀容。遂據晉陽。見上書討爾朱兆。法正也。因而

據有晉陽。則專甚矣。故書據書。綱冬十一月。魏主脩

弒安定王朗。東海王暉。十二月。魏立后高氏。歡之

綱癸丑。梁中大通五年。魏末熙二年。春正月。魏大丞相歡襲秀容。

見上。殺爾朱兆。書前書討爾朱兆矣。此其不書誅何。歡既據晉陽。則與爾朱等耳。兆雖

為賊。歡不得而誅之也。故爾朱氏之死。皆書誅。惟兆以歡殺之。止書殺。綱魏以賀拔勝

為荊州今河南南陽府鄧州刺史。綱秋八月。魏以賀拔岳為雍

州今陝西西安府刺史。目初賀拔岳遣行臺郎馮景詣晉陽。

見上。高歡與景歆盟。約與岳為兄弟。景還言於岳曰。歡

姦詐有餘。不可信也。府司馬宇文泰請使晉陽。以觀

宇文泰使晉陽以觀

高歡
高歡字
文泰

歡之為人歡奇其狀貌曰此兒視瞻非常將留之泰固求復命歡既遣而悔之發驛急追至關不及而返泰至謂岳曰歡所以未篡者正憚公兄弟耳侯莫陳三字魏秦州之徒非所忌也公但潛為之備圖歡不難岳大悅復遣詣洛陽請事密陳其狀魏主喜以岳為都督二十州軍事雍州刺史岳遂引兵西屯平涼今陝西平涼府岳以夏州今陝西寧夏衛被邊要重欲求良刺史衆舉宇文泰岳曰左丞吾左右手何可廢也沉吟累日卒表用之

綱甲寅

梁中大通六年魏末熙三年東魏孝靜帝善見天平元年是歲魏分為二凡三國春

正月魏秦州

今陝西鞏昌府秦州

刺史侯莫陳悅殺賀拔岳魏

以宇文泰統其軍

綱夏

四月魏宇文泰討侯莫陳悅

誅之遂定秦

秦隴今陝西鳳翔府隴州

魏以泰為關西大都督

綱六月

魏大丞相歡舉兵反

秋七月魏主脩奔長

安歡入洛陽推清河王亶承制決事魏主以宇文泰

為大將軍尚書令

綱高歡舉兵向關中軍將軍王思

政言於魏主曰高歡之心昭然可知洛陽非用武之

地宇文泰乃心王室今往就之還復舊京何慮不克

魏主脩奔
長安

魏主深然之遣侍郎柳慶見泰於高平今陝西平涼府鎮原縣

泰請奉迎輿駕時東郡今山東東昌府太守裴俠帥兵詣洛

王思政問以西巡之計俠曰宇文泰已操戈矛寧肯

授人以柄雖欲投之恐無異避湯入火也思政曰然

則何如而可俠曰圖歡有立至之憂西巡有將來之

慮且至關右即關西徐思其宜耳思政然之乃進俠於

魏主授左中郎將七月魏主西奔長安今陝西西安府長安縣

歡遂入洛陽殺僕射辛雄以下數人推清河王亶為

大司馬承制決事宇文泰備儀衛迎魏主謁見於東

無異避湯入火

梁武跣走脩禳

東魏拓跋善見是為孝靜帝

東魏遷鄴

陽驛魏主遂入長安以泰為大將軍雍州即西安府刺史

兼尚書命先是熒惑見二十八卷八入南斗去而復還畱止

六旬梁主以諺云熒惑入南斗天子下殿走乃跣先

聲徒而下殿以禳之及聞魏主西奔慙曰虜亦應

足履地而綱冬十月魏大丞相歡立清河世子善見于

洛陽是為東魏歡集百官耆老議所立時清河王亶出

入已稱警蹕見十一卷四歡醜之遂立其世子善見為帝

謂亶曰欲立王不如立王之子善見即位時年十一

綱魏以宇文泰為大丞相十一月東魏遷于鄴今河

南彰德府臨漳縣

帝東魏孝靜帝

○高歡還晉陽。綱閏十二月。魏大丞相泰進毒弒

其君脩。

綱乙卯。梁大同元年。魏文帝寶炬。春正月朔。魏大丞

西魏拓跋寶炬是為文帝

相泰立南陽王寶炬。是為綱魏大丞相泰自為都督

中外諸軍事。封安定。今陝西平涼府。綱魏立后乙弗氏。后

怨節儉。不好。綱東魏大丞相歡自為相國。假黃鉞。見

四卷。加殊禮。見二五。復辭不受。綱魏大丞相泰以蘇

綽為行臺左丞。目宇文泰用蘇綽為行臺郎中。居歲

餘未之知也。而臺中皆稱為能有疑事。皆就決之。泰

與僕射夜周惠達論事。惠達請出議之。以告綽。綽為

之區處。惠達入白之。泰稱善。曰。誰與卿為此議者。惠

達以綽對。且稱綽有王佐之才。泰名綽。問天地造化

之始。歷代興亡之跡。綽應對如流。遂留。至夜。問以政

事。臥而聽之。綽陳為治之要。泰起。整衣危坐。不覺膝

之前席。語達。曙。不厭。詰。乞朝。明且。謂惠達曰。蘇

綽真奇士。吾方任之。以政。即拜左丞。參典機密。自是

寵遇日隆。綽始制文案程式。朱出墨入。及計帳戶籍

之法。後人多遵用之。綱夏五月。魏大丞相泰自加柱

蘇綽陳為治之要

文案朱出墨入

梁世賢相
稱范徐

國綱冬十一月梁侍中徐勉卒。目勉雖骨鯁見九卷

不及范雲見上卷亦不河意苟合。故梁世言賢相者

稱范徐。六綱東魏封高洋為太原今山西公。目洋歡

之子也。內明決而外如不慧。眾皆嗤鴟也鄙之。獨歡

異之。謂長史薛琚東曰。此兒識慮過吾。幼時歡嘗欲

觀諸子意識。使各治平亂絲。洋獨抽刀斬之。曰。亂者

必斬。

綱丙辰梁大同二年。魏大統二年。東魏天平三年。春二月。東魏大丞相歡

遣其世子澄入鄴見上輔政。東魏以為尚書令。京畿其

高洋抽刀
斬絲

陳元康夜
中聞書

大都督綱東魏大丞相歡以陳元康為功曹。目高季

式濟州刺史薦元康於高歡曰。是能夜中聞暗書。快史也。

歡召之一見。即授功曹。掌機密。時軍國多務。元康問

無不知。與功曹趙彥深同知機密。而元康性柔謹。歡

甚親之。曰。此人天賜我也。綱梁處士陶弘景卒。法書特

也。布衣卒。黃憲管寧徵士卒。陶潛處士卒。陶弘音黃

景皆特筆也。處士書卒。終綱目一人而已矣。註憲

見二三卷。四管寧見二八卷。目弘景博學好養生。仕

齊為奉朝請。見十五卷棄官隱居茅山。在江西南江寧府句容縣梁

主早與之遊。及即位。恩禮甚篤。每得其書。焚香虔受。

山中宰相

屢以手救招之。弘景不出。國家每有大議。必先諮之。時人謂之山中宰相。將沒。為詩曰。夷甫字王衍。平叔字何晏。坐論空。俱見三十一。豈悟昭陽殿。遂作單于宮。時士大夫競談玄理。不習武事。故弘景詩及之。綱夏四月。梁以江子四為右丞。目子四上封事。見二二二。極言得失。梁主詔曰。古人有言。屋漏在上。知之在下。朕有過失。不能自覺。子四所言。尚書時加檢括。速以啓聞。

梁脩長干塔

綱丁巳。梁大同三年。魏大統三年。東魏天平四年。秋八月。梁脩長干塔。目

梁主脩長干寺

在江寧府城

阿育王塔

在長干寺中

藏佛爪

舍利。出佛爪。髮舍利。

釋迦佛既化。弟子阿難等焚其身。有骨子如五色珠。光瑩

堅固。名曰舍利子。

幸寺設無礙食。大赦。綱閏九月。東魏大丞相歡侵魏。冬十月。魏大丞相泰迎戰渭曲。大敗之。泰

種柳旌武功

破東魏兵。歡馳去。李穆曰。高歡破膽。矣速追之。可獲。泰不聽。還軍渭南。於戰所人種柳一株。以旌武功。

音渭曲。實云地名。未詳處所。註渭南。今陝西西安府渭南縣。

綱戊午

梁大同四年。魏大統四年。東魏元象元年。

春正月朔。日食。二月。東

魏遣行臺侯景治兵虎牢。

見上。復取汾。潁。豫。廣。四州。

綱魏廢其后乙弗氏。立柔然。

北狄國名。女郁久閭氏為后。

書法見二綱秋七月梁大赦目以得如來本覺曰如

故名舍利也綱冬十二月東魏改停年格見上卷

綱已未梁大同五年魏大統五年東魏興和元年春正月梁以何敬容為

尚書令夏五月東魏立后高氏歡之綱冬十月魏

置紙筆于陽武門以求言魏制禮樂

綱庚申梁大同六年魏大統六年東魏興和二年春二月柔然侵魏魏主

殺其故后乙弗氏

綱辛酉梁大同七年魏大統七年東魏興和三年秋九月魏省官員置屯

田頒六條目宇文泰欲革時政為強國富民之法度

魏置紙筆求言

魏六條詔書

鐸支尚書蘇綽贊成其事減官員置二長并置屯田

以資軍國又為六條詔書一曰清心二曰敦教化三

曰盡地利四曰擢賢良五曰恤獄訟六曰均賦役泰

常置諸坐右令百司習誦之非通六條及計帳見上

者不得居官既而又益新制十二條綱冬十二月東

魏大統能

綱壬戌梁大同八年魏大統八年東魏興和四年秋八月東魏以侯景為

河南大行臺綱冬十二月梁盧子略作亂廣州參軍

陳霸先討平之目孫罔盧子雄討李賁去年十二月交州李賁反

陳高祖陳霸先

東魏築長城

梁主遣交州刺史武林侯諮與高州刺史音交州今安史孫罔新州刺史盧子雄將兵擊之註南國交州府武林今廣西潯州府平南縣高州今廣東高州府新州今廣東肇慶府新興縣以春瘴方起請待至秋武林侯諮趣促之衆潰會而歸諮誣奏罔及子雄逗留見二十卷三十一賜死子雄弟子略及杜僧明周文育等帥衆攻廣州今廣東廣州府參軍吳興今浙江湖州府陳霸先帥精甲三千擊破之擒僧明文育霸先以二人驍勇過人釋之以爲主帥詔以霸先爲直閣將軍蛤綱癸亥梁大同九年魏大統九年東魏武定元年夏四月魏以侯景爲司空冬十一月東魏築長城于肆州今山西大同府忻州

鄴中四貴

江南亦將爲戎

綱甲子梁大同十年魏大統十年東魏武定二年春三月東魏以高澄爲大將軍領中書監目高歡多在晉陽見上十四注又十一委孫騰司馬子如高岳高隆之以朝政鄴上見同中謂之四貴權勢熏灼專恣驕貪歡欲損奪其權故以澄領中書監移門下機事總歸中書文武賞罰皆稟於澄綱夏四月梁尚書令何敬容有罪免目敬容復爲太子詹事太子嘗於玄圃自講老莊老子莊子敬容謂人曰昔西晉祖尚玄虛使中原淪於胡羯結見三十卷十四丘氏斷今東宮復爾江南亦將爲戎乎綱五月魏大都督琅邪

賀拔勝臨陣如平時

公賀拔勝卒。目宇文泰常謂人曰：諸將對敵，神色皆動。唯賀拔公臨陣如平時，真大勇也。綱：秋七月，東魏

以崔暹繼為中尉，宋遊道為左丞。目魏自正光魏孝明帝

以後，政刑弛縱，在位多貪汙。高歡啓以宋遊道為

御史中尉，澄請以崔暹為之。以遊道為尚書左丞，謂

曰：卿一人處南臺，一人處北省，當使天下肅然。暹選

畢義雲等為御史，時稱得人。澄與諸公出之東山。在彰

德府臨漳縣遇暹於道，前驅為赤棒所擊，澄回馬避之。尚

書令司馬子如、太師咸陽王坦之，貪黷無厭，暹彈之，劾

其官爵，其餘死黜者甚衆。遊道奏駁尚書違失數百

條，省中豪吏並鞭斥之。高隆之誣遊道有不臣之言，

罪當死。黃門侍郎楊愔曰：畜狗求吠，廢今以數朝吠，

殺之，恐將來無復吠狗。遊道竟坐除名。然暹實巧詐，

高澄納魏琅邪公主，意暹必諫，暹入諮事，不復假以

顏色，居三日，暹懷刺見上墜之於前，澄問何為，暹悚

然曰：未得通公主，澄大悅，把暹臂入見之。崔季舒語

去人曰：崔暹常忿吾佞，及其自作，乃過於吾。

綱：乙丑，梁大同十一年，魏大統三年，春正月，東魏作晉陽

恐將來無復吠狗

崔暹懷刺墜前

突厥始見
綱目

綱目

宮。高歡作晉。三月。魏遣使如突厥。突厥橋。見

六。本西方小國。姓阿史那氏。世居金山。在陝西行都

之陽。其酋長土門始彊大。頗侵魏西邊。至是魏使至。

其國人皆喜曰。大國使者至。吾國其將興矣。綱冬。梁

散騎常侍賀琛。丑。森。上書論事。詔詰。乞。責之。目。琛啓

梁賀琛啓
陳四事

陳四事。一日。今北邊稽服。正是生聚教訓之時。而天

不堪。郡之哀削。民不堪命。各務流移。此豈非牧守之

過。欺東境。戶口空虛。皆由使命繁數。驚困拱手。聽其

漁獵。黠吏因之。重為貪殘。雖年降復業之詔。屢下。蠲

賦之恩。而民不得反其居也。二日。今守宰所以貪殘

良由風俗侈靡。使之然也。今之燕喜。相競誇豪。積果

成丘。列肴如綺。而賓主之間。裁取滿腹。又畜妓之夫。

無有等秩。淫侈成俗。日見滋甚。欲使人守廉白。安可

得邪。誠宜嚴為禁制。道以節儉。糾奏浮華。變其耳目。

三日。陛下憂念四海。不憚勤勞。至於百司。莫不奏事。

但斗管之人。詭競求進。不論國之大體。惟務吹毛求

疵。以深刻為能。以繩逐為務。迹雖似於奉公。事更成

其威福。誠願責其公平之效。黜其讒慝之心。則下安

上謐。無傲倖之患矣。四日。今天下無事。而猶且不暇

給宜。省事息費。養民聚財。應內省職掌。各簡所部。有

宜除之。有宜減之。興造有非急者。徵求有可緩

畜財將以
大用
養民將以
大役

書詰責之。琛但謝過而已。不敢復言。梁主為入孝慈

恭儉。博學能文。勤於政務。冬月視事。執筆觸寒。手為

綱目

卷三八

南北朝梁武帝魏文

二一

去皮親。中寒裂自天監 梁武帝年號 中用釋氏法長齋

一食惟菜羹糲飯而已身衣去聲布衣木綿皂帳一

冠三載一衾二年後宮衣不曳地性不飲酒非祭祀

饗宴及諸法事未嘗作樂雖居暗室恆理衣冠小坐

盛暑未嘗褰牽。袒。但。露臂。對內豎汝小臣如遇大賓

然優假士人太過牧守多侵漁百姓使者干擾郡縣

又好親任小人頗傷苛何察多造塔廟公私費損江

南久安風俗奢靡故琛啓及之梁主年老又持佛戒

每斷重罪則終日不懌或謀反逆事覺亦泣而有之

由是王侯益橫或白晝殺人暮夜剽掠梁主深知其
弊而溺於慈愛不能禁也

綱丙寅梁中大同元年魏大統春三月梁主講佛書

于同泰寺夏四月同泰浮圖災復作之書魏主講佛

之也此其不書親何嘗再捨身則親講不足異矣前

再講涅槃不書此何以書為浮圖災書也上書講佛

書同泰寺繼書同泰浮圖災再書同泰所以著首魏

感應之效也而復作之愚亦甚矣書深譏之註王

見上卷二十再捨身見上卷**目**梁主幸同泰寺在江

上元縣治東北五里臺城內講三慧經四月解講是

夕浮圖塔災梁主曰此魔也更宜廣為法事遂起十

梁主同泰寺講三慧經

同泰浮圖災

綱監易和錄

卷三八

南北朝梁武帝魏文

二二

短錢

二層浮圖將成。值侯景亂，乃止。**綱**秋七月，梁禁用短錢。短數之錢，或以八十為百，或以七十為百，或以九十為百。梁主下詔禁之，而人不從。後遂以三十五為百。**綱**八月，東魏遷石經于鄴。凡五十二碑。石經也。綱目於石經屢書之。是故立石經書補石經書。遷石經書徙石經于洛陽書石經成書。石經成書。二四卷二八補見上卷二五徙見。三九卷二九石經成見五八卷一。**綱**魏以韋孝寬為并州刺史，守玉壁。城名在山西平陽府稷山縣。**綱**冬十月，梁以岳陽王詵為雍州刺史，以梁主袁老朝多秕政。比政喻政之不成。遂蓄財下士，招募勇敢，左右至數千人，以襄陽形勝。

魏韋孝寬守玉壁

梁業所基。武帝為雍州刺史起兵襄陽。可圖大功，乃克已為政，撫循士民，數施恩惠，延納規諫，所部稱治。**綱**十一月，東魏大丞相歡侵魏，圍玉壁，不克而還。**綱**東魏高歡悉山東之眾伐魏，至玉壁，圍而攻之，晝夜不息。魏韋孝寬隨機拒之，歡無如之何，乃使祖珽說之，使降。孝寬曰：攻者自勞，守者常逸。孝寬關西男子，必不為降將軍也。歡乃解圍去。**綱**東魏大將軍澄如晉陽，目高歡病，使太原公洋鎮鄴，而徵澄赴晉陽。見同上。**綱**魏度支尚書蘇綽卒，目綽性忠儉，常以喪

亂未平為已任薦賢拔能紀綱庶政宇文泰推心任
 之或出遊常預署空紙以授綽有須處分隨事施行
 綽常謂為國之道當愛人如慈父訓人如嚴師每與
 公卿論議自晝達夜事無巨細若指諸掌積勞成疾
 而卒泰深痛惜之謂公卿曰蘇尚書平生廉讓吾欲
 全其素志則恐悠悠之徒有所未達如厚加贈諡又
 乖宿昔相知之心何為而可令史麻瑤越次進曰儉
 約所以彰其美也泰從之歸葬武功今陝西西安載
 以布車一乘泰與羣公步送之酌類酒言曰爾知吾

宇文泰酌酒祝蘇綽

不覺卮落於手

心吾知爾志方欲共定天下遽捨吾去奈何因舉聲
 慟哭不覺卮支酒器落於手
 綱丁卯梁太清元年魏大統十年春正月朔日食不盡
 發日食正旦不盡如鉤是殆侯景反叛梁國滅綱梁
 明亡之兆歟書以志之謹天戒者可以觀矣綱梁
 以湘東今湖廣衡州府王繹為荊州治湖廣荊州府刺史綱東魏大
 丞相渤海見上王高歡卒國歡性深密終日儼然人
 不能測馭軍嚴肅聽斷明察雅尚儉素刀劍鞍勒無
 金玉之飾病篤謂世子澄曰侯景專制河南見下十
 四年矣常有飛揚跋扈卷二二五之志顧我能畜養非

汝所能駕御也。今四方未定，勿遽發哀。庫狄干之壻

斛律金時為大司馬並性適直，終不負汝。堪敵侯景者，唯

高歡不貴慕容紹宗

有慕容紹宗初為爾朱兆長史，魏孝武帝末，熙二年，高歡殺兆，紹宗降。我故不貴

之。畱以遺去聲汝。又曰：段孝先忠亮仁厚，智勇兼備，軍

旅大事，宜共籌之。遂卒。澄祕不發喪，唯行臺丞陳元

東魏侯景以河南降魏

康知之。綱：東魏大行臺侯景以河南降魏。目：景右足

偏短，弓馬非其所長，而多謀算。諸將高敖曹、彭樂等

皆勇冠貫一時。景常輕之，嘗言於高歡：願得兵三萬

太平寺主

橫行天下，要須濟江，縛取蕭衍老公，以為太平寺主。

歡使將兵十萬，專制河南。今河南省等地景素輕高澄，嘗曰：

高王高歡在，吾不敢有異。王沒，吾不能與鮮卑小兒高謂

澄鮮卑東胡種名共事矣。及聞歡疾篤，用其行臺郎王偉計

擁兵自固，歡卒，遂以河南降魏。魏以景為太傅，大行

侯景復以河南叛附于梁

臺。綱：二月，魏除宮刑。見三十四卷三二綱：侯景復以河南叛附

于梁。梁封景為河南王，遣兵援之。目：景又遣郎中丁

和奉表於梁，請舉河南十三州內附。梁主召羣臣廷

議。僕射夜謝舉等皆曰：頃與魏和，邊境無事，不宜納

其叛臣。梁主曰：機會難得，豈宜膠柱。見七卷五先是正月

乙卯梁主夢中原牧守皆以地來降且見朱异告之
 异曰此宇內混一之兆也及丁和至稱景定計實以
 正月乙卯梁主愈神之然意猶未決嘗獨言我國家
 如金甌無一傷缺今忽受景地詎是事宜脫致紛紜
 悔之何及朱异揣知梁主意對曰今景分魏土之半
 以來自非天誘其衷天默誘其心何以至此若拒而不納
 恐絕後來之望願陛下無疑梁主乃以景為大將軍
 封河南王都督河南北謂黃河之南諸軍事遣司州
 治河南汝寧刺史羊鴉仁督桓和湛海珍等將兵三
 府信陽州

梁主三捨身於同泰寺

萬趣趨懸瓠即汝寧府以應之平西諮議周弘正善占候
 前此謂人曰國家數年後當有兵起及聞納景曰亂
 階在此矣綱三月梁主捨身于同泰寺綱梁主捨身
 書於冊然其身猶在卒莫之捨捨於佛而佛不受未
 幾遂捨於侯景不惟捨其身且併其子孫家國捨之
 可哀綱秋七月東魏大將軍澄入鄴幽其主于宮中
 也哉綱殺侍讀荀濟等而還目東魏主多力善射好文學時
 人以爲有孝文風烈高澄深忌之使崔季舒察魏主
 動靜澄嘗侍飲舉大觴屬祝魏主魏主不勝升忿曰
 自古無不亡之國朕亦何用此生為澄怒罵使季舒

東魏主詠
謝靈運詩

新金易知錄

卷三十八

帝東魏孝靜帝

三十一

拳毆魏主奮衣而出。魏主不堪，憂辱，詠謝靈運詩曰：
 韓亡子房奮，秦帝魯連恥。見三五卷二十侍講荀濟知魏主
 意，乃與祠部郎中元瑾、華山今陝西西安府華州王大器等謀
 誅澄。事覺，澄幽魏主於含章堂，烹濟等於市。遂還晉
 陽。**綱**九月，梁堰泗水以攻東魏之彭城。冬十一月，東
 魏行臺慕容紹宗擊敗之，獲蕭淵明。梁主命侍中
 羊侃與淵明堰燕。壅。泗水。出山東兗州府泗水縣。至江南徐州東南入淮。
 於寒山。堰名。在徐州東南。以灌彭城。侯得彭城，乃進軍
 與景持角。見二十一卷二十一堰成，東魏遣大都督高岳救彭

侯景聞慕容紹宗有懼色

城欲以潘樂為副。陳元康曰：樂緩於機變，不如慕容
 紹宗。且先王之命也。見上二四乃以紹宗為東南道行臺
 與岳樂偕行。景聞紹宗來，叩鞍有懼色，曰：誰教鮮卑
 兒見上二五解械也遣紹宗來若然。高王見同上定未死邪。
 紹宗帥衆十萬據橐駝峴。賢上聲。山名。羊侃勸淵明乘其
 遠來擊之，不從。侃乃帥所領出屯堰上。紹宗將卒掩
 擊之，梁兵大敗。淵明為所虜。羊侃結陳徐還。初，高澄
 以杜弼為軍司，問以政要。弼曰：天下大務，莫過賞罰。
 賞一人，使天下之人喜；罰一人，使天下之人懼。二事

綱益身和錄

卷三十八

南北朝梁武帝魏文

二七

杜福移梁
檄文

綱鑑易知錄

卷三十八

南北朝梁武帝魏文

二十八

不失自然盡善澄大悅。至是使弼作檄吸移梁朝略

曰侯景以鄙俚之夫遭風雲之會位班三事見三六卷二三

邑啓萬家而離披散亂貌不已意亦可見彼乃授之以

利器誨之以慢藏易繫辭慢藏誨盜使其勢得容姦時堪乘

便終恐偏搆搆上聲。搆梁梗。不持持也。狼戾狼性

貪而暴難馴馴順也。橫去聲。使江淮士子荆揚人物死亡

矢石之下夭折浙霧露之中彼梁主者輕險有素老

耄帽及之用舍乖方廢立戾所矯情動俗飾智驚愚

毒螫釋滿懷妄敦戒業踈競盈智謬治清淨災異降

於上怨譴興於下傳險躁之風俗任輕薄之子孫朋

黨路開兵權在外必將禍生骨肉釁起腹心彊弩衝

城長戈指闕徒探雀鷄見六卷無救府藏之虛空請

熊蹯煩熊掌。詎延晷癸刻之命左傳文公元年楚成王欲立王子職而黜太子

聽商臣商臣以宮甲圍成王王請食熊蹯而死弗聽王遂縊杜注熊蹯難熟冀久將有外救至也。外崩

中潰會今實其時其後梁室禍敗皆如弼言

綱戊辰梁太清二年魏大統十四年東魏武定六年春正月東魏慕容紹

宗擊侯景景衆潰走襲據壽春梁以爲南豫州牧

慕容紹宗以鐵騎五千夾擊侯景景衆大潰景與數

綱鑑易知錄

卷三十八

南北朝梁武帝魏文

二十八

慕容紹宗
縱侯景

騎濟淮淮水在江稍收散卒得步騎八百人晝夜兼行追軍不敢逼使謂紹宗曰景若就擒公復何用紹宗乃縱之景走壽陽即壽春今鳳陽府壽州夜至城下監州事

韋黯開門
納侯景

韋黯開門納景景遣其將分守四門梁朝聞景敗咸以為憂詹事何敬容言於太子曰得景遂死深為朝廷之福太子失色問故敬容曰景翻覆叛臣終當亂

蕭介諫梁
主龍侯景

國景以敗乞自貶梁主不許以景為南豫州治江南寧國府宣城縣牧光祿大夫蕭介諫曰臣聞凶人之性不移天下之惡一也侯景以凶狡之才荷高歡卵翼之遇歡

東魏求成
于梁

墳土未乾干即還反噬之力不逮乃復逃死關西宇文不容故復投身於我陛下前者所以受之正欲比屬國降胡冀獲一戰之效耳今既亡師失地直是境上之匹夫陛下愛匹夫而棄與國臣竊不取若猶待其歲暮之效則彼棄鄉國如脫屣背君親如遺芥豈知遠慕聖德為江淮之純臣乎梁主不能用綱二月東魏求成于梁書求成何卑辭也此高澄詭計侯景所以決反者也故謹書之目高澄數朔遣書求好去於梁梁未之許澄謂蕭淵明見上曰若梁主不忘舊好諸人並即遣還侯景家屬二六

梁傳岐諫和東魏

亦當同遣。淵明遣入奉啓還梁。梁主與朝臣議之。朱
异等皆以為便。司農卿傅岐獨曰：此高澄設閒諫。欲
令平侯景自疑而作亂耳。若許通好，正墮其計中。异
等固執宜和。梁主亦厭用兵，乃許之。使還過壽陽。見
侯景知之，搆捕也。問具服。景乃詐為鄴東魏都今河南
中書求以淵明易景。梁主復書曰：貞陽蕭淵明封且
至。侯景夕返。景謂左右曰：我固知吳老公梁都江南
薄心腸。王偉說景曰：今坐聽亦死。舉大事亦死。唯王
圖之。於是始為反計。綱三月，梁交州見上司馬陳霸

陳霸先討平李

梁蕭正德大喜報侯景

先討李賁。見同上平之。詳以霸先為西江督護高要太守督七郡諸軍事。高要今廣東肇慶府。綱秋八月，梁侯景反壽陽。梁主遣邵陵王綸督
諸軍討之。且景知臨賀王正德。見上屢以貪暴得罪
陰養死士。幸國家有變，遣徐思玉致賤曰：天子年尊
姦臣亂國，大王屬當儲貳中，披廢黜。見上卷景雖不
敏，實思自效。正德大喜，報之曰：僕為其內，公為其外。
何有不濟。機事在速，今其時矣。景遂反於壽陽。見上以
誅中領軍朱异等為名。梁主詔以鄱陽今江西饒
王範封山故城在廣東廉侯正表司州治河南汝

綱鑑易知錄 卷三十八 南北朝梁末帝魏文 二十九

州刺史柳仲禮散騎常侍裴之高為四道都督郃陵

今湖廣寶慶府王綸持節兼督衆軍以討景綱冬十月梁臨

賀王正德叛引侯景兵渡江梁主命宣城王大器將

軍羊侃督軍禦之目侯景引兵臨江梁主以正德督

諸軍屯丹陽今江南江寧府即建康也正德遣大船數十艘

總詐稱載荻密以濟景景乃濟江至慈湖在江南太平府城北

建康梁都大駭梁主悉以內外軍付太子以宣城今江南寧

府王大器都督城內諸軍事羊侃為軍師將軍副之

綱蕭正德引侯景圍梁臺城十一月景以正德稱帝

正德引侯景臺城

正德遣船密濟侯景

正德引侯景臺城

正德引侯景臺城

目太子猶未知正德之情使守宣陽門俄而景至正

德帥衆迎之景軍乘勝至闕下列兵繞臺城在江寧府治東

北即晉建康宮城十一月朔正德即帝位以景為丞相綱梁

荆州刺史湘東王繹見上移檄吸遣兵赴援書書遣

罪繹也曷為罪之君父在難為之子者宜身親奔命如救頭然而止遣兵其罪大矣綱梁郃陵

王綸見上還軍赴援侯景擊之大潰會綱十二月梁郃

陽王範見上南康今江西贛州府王會理將兵入援綱梁將軍

羊侃卒城中益懼綱梁散騎常侍韋粲及東西道都督裴

之高柳仲禮等各以兵入援推仲禮為大都督

湘東遣兵赴援

節 梁草祭死

綱 己巳。梁太清三年。魏大統十五年。東魏武定七年。春正月。侯景襲梁。援

軍。草祭死之。柳仲禮擊景敗之。綱 梁中領軍朱异卒。

書禍梁者异也。書官法書卒何譏失刑也。 目 朝野以侯景之禍。共尤朱异。

見上十一封正德文二五。异慚憤發疾卒。梁主痛惜。納侯景文二九和東魏。

特贈僕射。夜。綱 二月。梁以侯景為大丞相。與之盟。敕

止援軍。湘東王繹次。見七。于武城。目 初臺城之閉也。

公卿以食為念。男女貴賤並出負米。取諸府藏錢帛。

聚德陽堂。而不備薪芻魚鹽。至是壞。怪。尚書省為薪。

撤薦剝以飼馬。軍士或煮鐵。惶。甲也。熏鼠捕雀而食之。

侯景眾亦飢。東城。今江南鳳陽。有米可支二年。援軍

斷。短。其路。景甚患之。王偉請偽求和。以緩其勢。景從

之。拜表求和。太子白梁主報許之。梁主敕諸軍不得

復進。詔以景為大丞相。豫州。治鳳陽。牧。遣僕射王克

與王偉等盟。既盟而景圍不解。了無去志。梁主常蔬

食。至是蔬茹皆絕。乃食雞子。邵陵王綸乃因使土雞

子數百枚。湘東王繹軍於郢州。今湖廣。之武城。未詳。

淹留不進。綱 三月。侯景陷梁臺城。自稱大都督。錄尚

書事。邵陵王綸奔會稽。柳仲禮等叛降景。景廢蕭正

梁主絕蔬食雞子

德以為大司馬。三月侯景復攻城晝夜不息城陷。梁主安臥不動歎曰自我得之自我失之亦復何恨。景入見於太極東堂以甲士五百人自衛。稽顙。下典儀引就三公榻。梁主神色不變問曰卿在軍中日久無乃為勞。景不敢仰視汗流被面退謂王僧貴曰吾常跨鞍對陳矢刃交下而意氣安緩了無怖心。今見蕭公使人自憊。豈非天威難犯。吾不可。以再見之。於是矯詔大赦自加大都督中外諸軍錄尚書事。邵陵王綸奔會稽。柳仲禮及羊鴦仁。

荷荷

梁永安侯 謀討侯景

王僧辯趙伯超並開營降賊。景更以正德為大司馬。正德入見梁主拜且泣。梁主曰。其泣矣。何嗟及矣。詩王風篇 辭啜泣貌綱夏五月梁主衍殂太子綱立。綱為侯景所制。所求多不遂。志飲膳亦為所裁。節憂憤成疾。口苦索蜜不得。再曰荷荷。去聲。憤怒聲。遂殂。年八十六。太子即位。立宣城王大器為太子。綱梁湘東王。繹自稱假黃鉞大都督中外諸軍承制。綱六月侯景殺蕭正德。目正德怨侯景賣已。密書召鄱陽王範。使以兵入。景遮得其書。益殺之。綱梁永安侯。確謀討侯。

死節

景不克而死

法書

侯景之變武帝子孫臨難無愧者永安侯一人而已

景愛永

安

今四川夔州府奉節縣

侯確郃陵王子

之勇常置左右郃陵王

綸潛遣入呼之

確曰景輕佻

挑持重也

不一夫力耳我欲

手刃之恨未得其便卿還啓家王勿以確為念景與

確遊鍾山

在江寧府東北

確引弓射石鳥

因欲射景弦斷不

發景覺而殺之

綱秋七月

梁廣州

見上

刺史元景仲

陳霸先討
誅元景仲

謀反西江督護陳霸先

見上

討誅之

綱霸先欲起兵

討侯景景使人誘景仲許奉以為主使圖霸先

霸先

馳檄

討之景仲眾潰

會縊意

死霸先迎定州

治廣西潯

州府

刺史蕭勃鎮廣州勃以霸先監始興

今廣東韶州府曲江

縣郡事

綱盜殺東魏大將軍渤海

見上

王高澄于鄴

見上

目澄獲衡州

今湖廣衡州府

刺史蘭欽子京以為膳奴

京屢自訴澄杖之曰更訴當殺汝京與其黨六人謀

作亂一日與陳元康楊愔崔季舒屏

丙

左右謀受禪

膳奴蘭京
殺高澄

澄弟太原

見上

公洋聞之入討羣賊斬而縛之祕不

發喪勳貴以重兵皆在并

州

即太原府

勸洋早如晉陽

見上

洋從之晉陽舊臣宿將素輕洋及至大會文武

綱監易知錄

卷三八

南北朝梁武帝魏文

三四

梁張嶷沈
凌死節

神彩英暢言辭敏洽衆皆大驚澄政令有不便者洋
皆改之。綱九月侯景陷吳興梁太守張嶷盛御史中
丞沈浚死之。書侯景之變以死節書者綱景使侯子
鑒寇吳興今浙江湖州府吳興兵力寡弱張嶷書生不閑軍
旅或勸嶷效袁君正梁吳郡太守以郡叛附侯景迎降嶷歎曰袁
氏世濟忠貞不意君正一旦隳灰之吾豈不知此難
久全但以身許國有死無貳耳戰敗還府整服安坐
子鑒執送建康見上景欲活之嶷曰吾忝任專城朝
廷傾危不能匡復速死為幸景猶欲存其一子嶷曰

梁蕭譽乞
師於魏

吾一門已在鬼錄不就爾虜求恩景怒盡殺之并殺
沈浚。綱梁岳陽王譽攻江陵荆州治所湘東王繹遣
兵襲襄陽見上答遁還繹使竟陵今湖廣安陸府太守王僧
辯攻湘州治湖廣長沙府時答綱冬十一月梁湘東
王繹遣兵攻襄陽岳陽王譽乞師于魏魏遣開府楊
忠率師救之。目答遣使求援於魏請為附庸湘東王
繹使柳仲禮鎮竟陵以圖答。答懼遣其妃王氏及世
子聊為質至於魏宇文泰欲經略江漢二水名江
源出四川成都府茂州之岷四瀆之一以楊忠都督三荆即三
山漢在湖廣漢陽府城北

陳霸先起兵討侯景

廣荆州府曰南楚江南徐州曰西楚蘇州府曰東楚諸軍鎮穰城今河南南陽府鄧州仲禮帥眾趣襄陽泰遣忠及僕射長孫儉將兵擊仲禮以救答。綱十二月梁始興見上太守陳霸先起兵討侯景。書侯景之變梁之臣子能盡討賊之義終始無愧者霸先一人而已矣。霸先結郡中豪傑欲討侯景郡人侯安都張偲等各帥眾千餘人歸之霸先遣杜僧明見上將二千人頓於嶺上。嶺上一名梅嶺在廣東南雄府城北江西南安府城南廣州刺史蕭勃遣人止之霸先曰京都覆沒君辱臣死君侯體則皇枝任重方岳不能赴援遣僕一軍猶賢乎已而更止之乎乃

遣使間諫道也詣湘東王繹受節度時南康今江西贛州土豪蔡路養起兵據郡勃乃以譚世遠為曲江見上三令與路養相結同遏霸先。綱東魏取梁司州見上四於是東魏盡有淮南之地。

尺木堂綱鑑易知錄卷二八

尺木堂綱鑑易知錄卷三十一
帝東魏高洋
高洋字季式，東魏高澄之子。年十四，高澄病，以幼弟高洋攝政。高澄死，高洋即皇帝位。初，高澄欲殺高洋，高洋聞之，先殺高澄。高洋在位，多暴虐，不恤百姓。高洋嘗問左右曰：『我何如？』左右曰：『陛下聖明。』高洋曰：『我聞堯舜禹湯，皆聖君也，我何如之？』左右曰：『陛下聖明。』高洋曰：『我聞堯舜禹湯，皆聖君也，我何如之？』

尺木堂綱鑑易知錄卷三十一

周之炯靜專

通鑑綱目定本

山陰吳乘權楚材同輯

周之燦星若

梁紀附西魏北齊北周

太宗簡文帝

名綱武帝第三子在位二年

綱庚午

東魏武定八年齊顯祖文宣帝高洋天保元年

魏亡齊代

春正月東魏高洋自為丞相都督中外

諸軍錄尚書事封齊王綱梁以陳霸先為交州刺史

霸先發始興

見上卷三五

至大庾嶺

見上

蔡路養

見上卷末

拒之其黨蕭摩訶年十三單騎出戰無敢當者霸先

陳霸先進軍南康

擊之路養敗走進軍南康

見上

湘東王繹承制授霸

先交州

見上卷二九

刺史

綱夏

四月梁湘東王繹移檄

討侯景

法書繹之討景是矣自臺城之陷至是凡幾日泣血致命效死今乃始移檄遠近果何及哉綱目

綱目著湘東無父無君之惡

繹以天子制於賊臣不肯從大寶之號猶稱太清四

東魏亡北齊

年下令大舉討侯景

移檄

見上卷八

遠近

綱五月

齊王洋

稱皇帝

婁太妃大義真高洋

之才宋景業善圖讖因高德政勸齊王洋受魏禪洋

以告婁太妃太妃曰汝父

歡

如龍汝兄

澄

如虎猶以

天位不可妄據終身北面汝獨何人欲行舜禹之事

乎洋以告之才之才曰正為不及父兄故宜早升尊

位耳洋鑄像卜之而成

元魏故事凡欲立皇后皇子必先以金鑄其像而占之以

鑄成者為吉不成則不得立也

乃發晉陽

見上卷三四

洋至鄴

見上

使侍

中張亮等見東魏主逼以禪位魏主斂容曰推挹

已久謹當遜避乃下御坐步就東廊詠范曄

葉宋人作後漢獻帝贊

屯終我四百未作虞賓

遂遷於北

城在河南懷慶府孟縣西南遣彭城王韶等奉璽綬禪位於齊

王洋即皇帝位於南郊封東魏主為中山今直隸真定府定州

王追尊獻武王歡文襄王澄皆為皇帝綱齊立子殷

為太子綱魏立蕭瑒為梁王目魏人欲令岳陽王瑒

見上卷二發哀嗣位瑒辭乃遣使冊命瑒為梁王建

臺置百官綱秋九月侯景自稱漢王目景又自加宇

宙天地四方曰宇大將軍都督六合亦天地諸軍事

梁主驚曰將軍乃有宇宙之號乎綱冬十月魏初作

府兵書初者何志始也三代而下寓兵於農目魏宇

宇宙大將軍

魏初作府兵

文泰始籍民之才力者為府兵身租調去庸有田則

家則有調有身則有庸租出一切砌蠲之以農隙講

閱戰陳馬畜休去聲糧備六家供之合為百府每府

一郎將主之分屬二十四軍

綱辛未梁大寶二年魏大統十七年齊天保二年春二月梁陳霸先討李

遷仕殺之目李遷仕梁高州刺史去年反擊南康見陳霸先遣

杜僧明等擒斬之湘東王繹使霸先進兵取江州今江

西九江府以為江州刺史綱三月魏主寶炬殂太子欽立

綱秋八月侯景廢梁主綱殺太子大器而立豫章王

陳霸先討誅李遷仕

西魏廢帝拓跋欽

棟歡之子歡。十月。侯景弒梁主。綱。侯景廢梁

主棟。自稱漢帝。十二月。齊主洋弒中山王。

世祖孝元帝名繹武帝第七子。眇一目。初封湘東王。及簡文被弒。乃即位於江陵。在位三年。

西魏兵入。遂被殺。壽四十七歲。

綱。壬申。梁世祖孝元帝繹承聖元年。春。二月。梁湘東

王繹遣王僧辯。陳霸先討侯景。三月。梁王僧辯。陳

霸先擊敗侯景。景亡走吳。今江南蘇州府。王僧辯帥百官上表勸進於湘東

王且迎都建業。不許。獲王偉送。註音建業。即建康。梁都建康。僧辯啓陳霸先鎮京口。

綱。梁湘東王繹殺豫章王棟。綱。夏。四月。侯

景伏誅。自羊侃見上卷之子鷗為景都督。殺之。送尸

建康。傳轉去聲首江陵。見上卷截其手。送於齊。暴僕

景屍於市。士民爭取食之。并骨皆盡。漂栗陽。今江寧

縣。公主簡文帝女。侯景娶之亦預食焉。景五子在北齊。皆殺之。

綱。盜竊梁傳國璽。歸之于齊。梁以王僧辯為司徒。

陳霸先為征虜將軍。開府。儀同三司。綱。王偉等伏誅。

目。湘東王誅王偉。見上卷二。等於市。初偉於獄中上

詩。王愛其才。欲宥之。有言於王者曰。偉作檄。吸甚

佳。王求得之。見其有湘東一目之語。湘東王眇一目。王偉所作檄文。

偉作檄文甚佳

有項羽重瞳尚有烏江之敗湘乃怒誅之

東一目寧為四海所歸之句致堂胡氏曰侯景叛亂為之謀畫贊決者皆王偉也春秋治亂臣賊子尤嚴於其黨若使人知亂賊之不可與則不能自立而亂少弭矣若王偉者幸生獲之數其惡逆殘諸市朝猶未足以雪人神之憤洗滅亡之恥乃以吟詠篇章欲脫其死及其誅也又以一言斬己之故是蕭繹喜怒生殺皆為己私而不念君父也豈不悖哉

齊幸術為吏部尚書

綱齊以幸術為吏部尚書自魏遷鄴見上卷以來大選之職知名者數人互有得失高澄少年高朗所蔽者疎袁淑德沉密謹厚所傷者細楊愔風流辯給取士失於浮華惟術性尚貞明取士必以才器循

名責實新舊參舉管庫

管鎖也庫物所藏左傳晉文子舉管庫士蓋以其賢不以

其位必擢門閥門家世也不遺考之前後最為折衷

綱冬十一月梁主繹立即位於江陵

綱甲戌梁承聖三年魏恭帝廓元年齊天保五年春正月魏作九命九秩

之典後世以此目宇文泰始作九命之典禮大宗伯有九

儀之命正邦國之位一命受職再命受服三命受位四命受器五命賜則六命賜官七命賜國八命賜牧九命

作伯以敘內外官爵改流外品為九秩綱宇文泰

廢其主欽而立齊王廓復姓拓跋氏見三七綱三月

齊主殺其尚書左丞盧斐李庶目齊中書令魏收撰

西魏恭帝拓跋廓魏收撰魏書

穢史

魏書頗用愛憎為褒貶。每謂人曰：何物小子，敢與魏收作色舉之，則使升天；按之，則使入地。既成，中書舍人盧潛、左丞盧斐、李庶皆言其誣罔不直。收啓齊主云：臣既結怨彊宗，將為刺客所殺。齊主怒，於是斐庶皆坐謗史，鞭二百，配甲坊。軍器監掌繕甲弩，以時輸武庫總署。一日弩署，一日甲坊。潛亦坐繫獄。斐庶死獄中。然時人終不服，謂之穢史。**綱**夏四月，梁以陳霸先為司空。魏宇文泰弒其故主欽。**綱**秋八月，梁主講老子于龍光殿。書于同泰寺，未幾而有侯景之亂。其子復講老子于龍光殿，未幾亦有江陵之禍。書之於冊，後之湯佛老

者亦以

綱冬十月，魏遣柱國于謹帥師伐梁。十一月

入江陵。十二月，執梁主繹殺之。

發於是魏兵已至南鄭，而講老子猶不

輒玩敵甚矣。綱曰：書十月帥師十一月入江陵，十一月執梁主繹殺之，易辭也。自昔亡國之易，未有若此者。蕭繹之畜南鄭，今河南許州。曰魏遣柱國于謹，中山直隸真定。今荆州府。太守宗均告魏兵且至，領軍胡僧祐、黃羅宜都縣太守宗均告魏兵且至，領軍胡僧祐、黃羅

漢曰：二國無隙，必應不爾。乃復使王琛使魏。于謹至

樊城，名在湖廣襄陽。鄧，今河南南陽府。鄧州。梁王督見上帥衆

會之。梁主乃停講。戒嚴。老子講戒嚴也。整兵琛至石楚。質實云未詳處。

梁主停講戒嚴

梁百官戎服聽講老子

所馳報羅漢曰境上帖然前言皆兒戲耳梁主乃復

講百官戎服以聽徵王僧辯去年遣還建康為大都督命陳

霸先去年遣還京口徙鎮揚州治江寧府即建康也十一月魏軍濟漢

漢水在湖廣漢陽府城北梁主出城荆州府江陵縣城也行柵拆插木為之

周六十里魏軍至柵下于謹令築長圍中外遂絕梁

梁主口占為詩

主巡城猶口占去聲。占隱度也。隱度為詩羣臣亦其辭口以授人。口占。

有和者梁主又裂帛為書趣促王僧辯曰吾忍死待

公可以至矣魏悉眾攻柵反者開西門納魏師梁主

退保金城質實云未詳處所日暝明聞城陷梁主乃焚古今

文武之道今夜盡

圖書十四萬卷以寶劍擊柱折之歎曰文武之道今

夜盡矣命御史中丞王孝祀作降文梁主遂白馬素

衣出門警使鐵騎擁之入營囚於烏幔之下或問梁

主何意焚書梁主曰讀書萬卷猶有今日故焚之十

二月魏人殺梁主及愍懷太子元良等綱魏取襄陽

見上卷徙梁王警使稱帝于江陵屯兵守之綱魏立

警為皇帝是為後梁宣帝取其雍州見同上之地而資以荆州

治江陵也延遠袤長也三百里又置防房主將兵居西城

名曰助防實以制警也綱梁王僧辯陳霸先奉晉安

今福建福州府王方智承制

敬帝名方智元帝第九子在位二在陳霸先廢而弒之壽十六歲

綱乙亥梁敬帝方智紹泰元年魏恭帝二年齊天保六年。後梁中宗宣帝蕭詧天定元年。凡

國春正月梁王詧始稱帝書庚午魏詧欲立詧為梁帝矣。詧不肯帝立為梁

王蕭繹既亡復使稱帝於是始稱故書始目梁王詧明太子第三子。昭即

位改元於江陵今湖廣荊州府江陵縣是為後梁賞罰制度並

同王者惟上疏於魏則稱臣奉其正朔綱齊遣梁貞

陽侯淵明梁武帝兄子見上卷二九還梁稱帝以兵納之綱二月

梁王方智立目晉安王自尋陽今江西九江府入建康梁都今江

後梁

南江寧府即梁王位時年十三以王僧辯為中書監錄尚

書驃騎大將軍都督中外軍事加陳霸先征西大將

軍綱三月魏免梁俘數千口目魏宇文泰得庾季

才梁散騎郎曉天文去年魏未伐梁之前言厚遇之於梁主曰臣恐建子之月有大兵入江陵

令參掌太史季才散私財購以財求也親舊之為奴婢者

去年十二月魏殺梁主繹盡俘王公以下泰問其故

及選百姓男女數萬口為奴婢分賞三軍對曰僕聞克國禮賢古之道也今郢都即江陵覆沒其

君信有罪矣搢紳何咎皆為阜隸鄙人驕寄旅也不

敢獻言誠竊哀之故私購之耳泰乃悟曰吾之過也

魏免梁俘數千口

微君遂失天下之望因出令免梁俘也數千口綱夏

五月梁王僧辯奉淵明歸建康以梁王方智為太子

綱六月齊築長城自齊發民一百八十萬築長城自

幽州今直隸夏口西至恆州今山西大同府九百餘里綱秋

八月齊以道士為沙門綱齊主以佛道二教不同欲

去其一集二家學者論難去聲於前遂敕道士皆剃髮

為沙門僧名有不從者殺四人乃奉命綱九月梁陳霸

先殺王僧辯廢淵明冬十月復立方智稱藩于齊綱

初王僧辯與陳霸先共滅侯景情好去聲甚篤僧辯去

齊築長城

齊以道士為沙門

石頭城在江寧府治西霸先在京口今江蘇鎮江府及僧辯納淵明

霸先遣使爭諍之不從霸先歎曰武帝子孫甚多唯

孝元能復讎雪恥誅侯景其子何罪而忽廢之吾與王

公並處託孤之地而王公一旦改圖外依戎狄指齊援

立非次其志欲何為乎乃舉兵襲僧辯殺之淵明遜

位就邸見三卷二二十月方智即皇帝位告齊以僧辯陰

圖篡逆仍請稱藩於齊封淵明為建安公綱梁陳霸

先自為尚書令都督中外諸軍事

綱丙子梁太平元年魏恭帝三年齊天保七年春正月魏初建六官以

宇文泰為大冢宰。泰依周禮定六官。謂大冢宰、大司

綱夏五月。梁建安公淵明卒。綱六月。齊大治宮室。目

齊發丁匠三十餘萬。脩廣三臺宮殿。齊主初立。畱心

政術。務存簡靖。又能以法馭下。內外肅然。每臨行陳

親當矢石。所向有功。數年之後。漸以功業自矜。遂嗜

酒淫泆。肆行狂暴。一日。典御承李集面諫。比之桀紂。

齊主令縛置流中。久之。引出。謂曰。吾何如桀紂。集曰。

彌不及矣。又令沉去聲之。引出更問。如此數四。集對如

初。齊主大笑曰。天下有如此癡人。方知龍逢旁比干。

李集諫齊主

未是俊物。遂釋之。頃之。入見。似有所諫。竟斬之。綱秋

八月。齊主如晉陽。見上綱九月。梁陳霸先自為丞相。

錄尚書事。綱冬。十月。魏太師大冢宰安定公宇文泰

卒。世子覺嗣。目時。秦北渡河。還至牽屯山。而病。驛名

中山。見上公護。秦兄至涇。京州。今陝西平涼府涇州。謂曰。吾諸

子皆幼。外寇方彊。天下之事。屬祝之於汝。宜努力以

成吾志。遂卒。世子覺嗣位。為太師柱國大冢宰。安定

公。即平涼府。出鎮同州。今陝西西安府同州。時年十五。綱十二月。魏

太師覺自為周公。

右梁四主合五十四年

右魏十三主合一百四十九年而分為東西魏

東魏一主凡十七年西魏三主合二十二年

陳紀附北齊周

高祖武帝

姓陳名霸先吳興人仕梁為陳公進爵為

王遂篡梁在位三年壽五十九歲。陳祖

自少倣儻不事生業明孤虛遁甲之術嘗遊義

興館於許氏夢天開數丈有朱衣四人出捧日

至納之帝曰吞之覺而腹內猶熱也及討侯景

景望之密謂左右曰此軍上有紫氣未幾破景

綱丁丑。梁太平二年魏恭帝四年齊天保八年陳高

祖武帝陳霸先永定元年周孝愍帝宇文覺

元年九月以後世宗明帝毓元年。是歲梁魏

皆亡。陳周代并齊三大國後梁一小國凡四國春正

西魏亡
北周

四柱錢

陳主尋梁
武覆轍

月。周公覺稱天王。是為北周廢魏主為宋公。宇文護

自為大司馬。綱二月。周宇文護自為大冢宰。周冢

宰護弒宋公。綱夏四月。梁鑄四柱錢。一當禁細錢。綱

秋九月。梁丞相霸先自為相國封陳公加九錫。見十

二。綱周冢宰護弒其君覺及其柱國李遠而立寧都

公毓。育。覺之庶兄。綱冬十月。梁陳公霸先進爵為

王。遂稱皇帝廢梁主為江陰王。

綱戊寅。陳末定二年。周明帝夏四月。陳主霸先弒江

陰王。五月。陳主捨身于大莊嚴寺。發梁主三捨其

綱蓋易口錄

卷三十九

南北朝陳高祖北周

十一

此陳主之所親日而又尋其覆轍愚謬若此抑又不足道矣書之於冊亦可愧哉

綱已卯陳末定三年周武成元年齊天保十年春正月周主始親政

夏五月齊主殺魏宗室二十五家**目**齊太史令奏今

年當除舊布新齊主問於彭城公元韶曰漢光武何

故中興對曰為誅諸劉不盡於是齊主誅始平公世

哲等二十五家囚韶等十九家韶幽於地牢絕食而

死**綱**六月霖雨**綱**周王賜處士韋夔號逍遙公徵魏

將軍寇儁入見現法書孟嘗君書齊號而已此書周王

人而**目**夔迴孝寬見上卷二二之兄也志尚夷簡魏周

元韶自取死逍遙公

之際十徵不屈太祖宇文泰重之不奪其志周王禮敬

尤厚號曰逍遙公晉公護延之至第訪以政事夔仰

視歎曰甘酒嗜音峻宇彫牆有一于此未或不亡見

卷三護不悅驃騎大將軍開府儀同三司寇儁少有

學行家人嘗賣物多得絹五匹儁知之曰得財失行

吾所不取訪主還之自大統魏文帝年號中稱老疾不朝

謁王欲見之儁不得已入見王引與同席問以舊事

以御輿送之**綱**陳主霸先殂兄子臨川王蒨借立**目**

陳主臨戎制勝英謀獨運而為政務崇寬簡非軍旅

韋夔仰視興歎

寇儁訪主還絹

急務不輕調發性儉素常膳不過數品後宮無金翠

之飾及殂子昌項皆以江陵之陷見上沒於長安

西魏羣臣奉臨川今江西撫州府王蒨嗣位綱齊主滅元氏

之族綱齊主盡誅諸元前後死者凡七百二十一人

定襄今山西太原府定襄縣令元景安欲請改姓高氏其從兄

景皓曰安有棄其本宗而從人之姓者乎丈夫寧可

玉碎何能死全景安以其言白齊主齊主誅景皓賜

景安姓高氏

遂昌尹氏曰前書殺魏宗室此書滅元氏族高洋之惡亦慘矣然又有自覆其族如元韶元景

玉碎瓦全

安者是豈可以入理論邪他時高氏亦不免於滅於他人之手殺戮相尋無有紀極可哀也哉

綱秋八月周王始稱皇帝綱冬十月齊主洋殂太子

殷立是為廢帝齊主嗜酒成疾謂李后曰人生必有死

何足惜但憐正道殷尚幼人將奪之耳又謂常山王

演齊主弟曰奪則任汝慎勿殺也召尚書令楊愔等受

遺詔輔政十月殂於晉陽見上太子殷即位

世祖文帝名蒨高祖之姪高祖殂子昌項皆在北周羣臣迎蒨即位在位七年壽四十五歲

綱庚辰陳世祖文帝蒨天嘉元年周武成二年齊主殷乾明元年肅宗孝昭帝演皇建元年春

二月齊太傅常山王演殺尚書令楊愔等自為丞相

綱蓋易知錄 卷三十九 南北朝陳文帝北周 十三

都督中外諸軍事

齊主還鄴常山王演長廣王湛俱從楊愔侍中宋欽道等奏李太后

謀出二王二王

音鄴北齊都

綱三月齊丞相常山王

演如晉陽

齊主詔軍國之政皆申

綱夏四月周冢宰

護進毒弒其君毓毓弟魯公邕

立是為高祖武帝**綱**秋八

月齊常山王演廢其主殷為濟南王而自立即位於晉陽是

陳制春夏不斷死刑

為肅宗孝昭帝

綱冬十二月陳制春夏不斷死刑**綱**齊以王

晞為侍郎不受**綱**齊主欲以司馬王晞為侍郎苦辭

不受或勸之晞曰我少年以來閱要人多矣得志少

時鮮不顛覆且吾性實疎緩不堪時務人主恩私何

思之爛熟

由可保萬一披猖

昌裂貌

縱求退無地非不好作要官

但思之爛熟耳

綱辛巳

陳天嘉二年周高祖武帝邕保定元年齊世祖武成帝湛太寧元年

春正月周

太師護自加都督中外諸軍事

綱秋七月周更耕鑄

錢**目**文曰布泉

皆錢之別名周禮錢行之曰布藏之曰泉

一當五與五銖

見上並行**綱**九月齊主演弒濟南王

目初齊主許以

長廣王湛為太弟

以其誅楊愔等故也

既而立太子百年湛心

不平齊主在晉陽

見湛守鄴上

散騎常侍高元海典

機密齊主以斛律

復姓羨為領軍分湛權湛不聽羨視

布錢

事是時濟南閔悼王在鄴望氣者言鄴中有天子氣平秦王歸彥恐王復立勸齊主除之齊主使歸彥至鄴徵濟南王湛內不自安問計於高元海元海曰有三策請殿下從數騎入晉陽見太后主上請去兵權不干朝政此上策也不然表請青齊刺史沈靖自居此中策也更問下策曰發言即恐族誅因逼之元海曰濟南世嫡主上奪之今集文武示以徵濟南之敕執斛律豐樂羨斬高歸彥尊立濟南號令天下以順討逆此萬世一時也湛大悅然未能用林慮河南彰

德府林縣令潘子密曉占候潛謂湛曰殿下當為天下主

湛乃送濟南王於晉陽齊主殺之綱冬十一月齊主

演殂弟長廣王湛立是為世祖廢太子百年為樂陵

王目齊主演敗馬驚墜地絕助婁太后視疾問濟

南所在者三齊主不對太后怒曰殺之邪不用吾言

初太后戒演曰勿令濟南有他也死其宜矣遂去不顧齊主乃徵湛

立之又與書曰百年無罪可以樂處置之勿效前人

遂殂湛馳赴晉陽即位立百年為樂陵王

綱壬午陳天嘉三年齊河清元年周保定春閏二月

陳遣兵討其江州刺史周迪于臨川。今江西撫州府。初陳

主徵迪出鎮潞。盆城。今江西九江府德化縣。不至豫章。今江西南昌府。

太守周敷獨先入朝。進號安西將軍。還豫章。迪不平。

陰與縉州今浙江金華府。刺史雷異相結。遣兵襲敷。敷與戰。

破之。閩州今福建福州府。刺史陳寶應亦陰與異合。虞寄流

寓閩中。常從容諷以逆順。寶應輒引也。語以亂之。寶

應嘗使人讀漢書。臥而聽之。至蒯通說韓信曰。相君

之背。貴不可言。見九卷。蹶貴然。喜躍之貌。起坐曰。可謂智

士。寄曰。通一說殺三士。走田橫。烹鄒生。致信不能以臣節終。何足言智。

陳寶應臥聽讀漢書

豈若班彪王命。見二十卷。識所歸乎。寄知寶應不可諫。

恐禍及己。乃著居士服。山服也。居東山寺。陽稱足疾。

寶應使人燒其屋。寄安臥不動。縱火者自救之。陳主

乃以吳明徹為江州即九江府。刺史。督黃法氈。渠。周敷共

討周迪。綱。陳改鑄五銖錢。見三卷。梁末喪亂。鐵錢見三卷。

不行。民間私用鵝眼錢。至是改鑄五銖錢。銖。二十

之一。當鵝眼之十。綱。後梁主督殂。太子歸癸立。是為世宗。

綱。三月。陳安成王瑒自周歸于陳。初。高祖子昌瑒。皆在長安。屢請之。於

周。周不遣。至文帝天嘉元年二月。周遣昌還。文帝使侯安都殺之於江。至是。周又歸瑒於陳。註。昌瑒。

鵝眼錢

後梁蕭歸

陳宣帝陳瑒

見上十二昌高祖太子項高祖姪文帝弟

目周遣杜杲稿送項南歸陳以

為中書監陳主謂杲曰家弟蒙禮遣實周朝之惠然

魯山不返去年陳以魯山郡賂周亦恐未能及此杲對曰安成

長安周都今陝西西安府長安縣一布衣耳而陳之介大弟也其

價豈止一城而已哉本朝敦睦九族怨已及物上遵

太祖宇文泰遺旨下思繼好去聲之義是以遣之南歸今

乃云以尋常之士易骨肉之親非使臣之所敢聞也

陳主甚慙曰前言戲之耳待杲有加項妃柳氏及子

叔寶猶在穰城今河南南陽府鄧州陳主復遣毛喜如周請之

齊青州言河水清

周人皆歸之綱夏四月齊青州治山東青州府臨淄縣言河水

清齊主遣使音漢桓之策書河水清矣此其日言何

矣是故光武郡國甘露降則書言桓帝巴郡黃龍音

見則書言齊青州河水清則書言皆疑之之辭也

綱癸未陳天嘉四年周保定三年齊河清二年夏四月周主養老于太

學目周主將視學以太傅燕國于謹為三老見二二

遂幸太學謹入升席南面憑几而坐周主北面立而

訪道謹起立於席後對曰木受繩則正后從諫則聖

明王虛心納諫以知得失天下乃安又曰去食去兵

周主養老以于謹為三老

信不可去。願陛下守信勿失。又曰：有功必賞，有罪必罰。則為善者日進，為惡者日止。又曰：言行者立身之基。願陛下三思而言，九慮而行，勿使有過。天子之過，如日月之食，人莫不知。願陛下慎之。周主再拜受言，謹答拜禮成而出。

綱甲申。陳天嘉五年，周保定四年，齊河清三年。春三月，周初令百官執

笏。忽**綱夏六月**，白虹貫日，齊主湛殺其兄之子樂陵

王百年。虹，蜺也。凡日傍氣色白而純者，名為白虹。貫日，白虹兵象，日為君，故齊主殺百年以厭

綱秋九月，周封李昞為唐公。昞以追錄

齊主高湛殺兄子以應天變。唐高祖李淵父昞。

佐命元功封昞虎之子也。

綱乙酉。陳天嘉六年，周保定五年，夏四月，彗星。見五卷

見現。**綱齊主湛傳位于太子緯**，自稱太上皇帝，以祖

珽珽有文無行，與和士開共為姦諂，會為祕書監。

綱冬十。上應天道，齊主從之，傳位于緯。於是羣公上尊號為太上皇帝。珽拜祕書監，大被親寵。

月，周殺其中州刺史賀若敦。**綱周以函谷關**，在河南

新安縣，為通洛防。房以賀若敦為中州刺史。

鎮之。敦恃才負氣，以湘州洽湖廣之役，全軍而返，謂

宜受賞，翻得除名。陳文帝天嘉元年八月，陳侯瑱攻湘州，周遣軍司馬賀若敦獨孤盛

北周改函谷關為通洛防。

彗星見北齊後主高緯。

救之軍於湘州二年正月湘州降陳敦乃自對臺使拔北歸宇文護以敦失地無功除名為民

出怨言宇文護怒徵還逼令自殺臨死謂其子弼曰吾志平江南今而不果汝必成吾志吾以舌死汝不可不思因引錐刺弼舌出血以誠之刺音成

綱丙戌陳天康元年周天和元年齊天統二年夏四月陳以孔奐為太子詹事

目陳主不豫以太子伯宗柔弱謂安成王瑱曰吾欲遵太伯之事瑱拜泣固辭陳主又謂僕射到仲舉尚書孔奐等曰今三方鼎峙池上聲也四海事理宜須長君卿等宜遵此意孔奐流涕對曰皇太子聖

刺舌誠子

星見

德日躋升也安成王足為周旦周公旦若有廢立之心臣

誠不敢奉詔陳主曰古之遺直復見於卿乃以奐為太子詹事

司馬溫公曰孔奐處腹心之重任決社稷之大計苟以世祖之言為不誠則當面辯廷爭以絕覬覦以為誠邪則當請下詔書宣告中外若謂太子嫡嗣不可動搖欲保輔而安全之則當盡忠竭節以死繼之奈何於君之存則不能救嗣主而求合及其既沒則權臣移國而不能救嗣主失位而不能死斯乃姦諛之尤者而世祖謂之遺直以託六尺之孤豈不悖哉

綱陳主蒨殂太子伯宗立**目**陳主起自艱難知民疾苦性明察儉約每夜刺閨宮中職名就閨中刺取外事故名取外事

孔奐姦諛之尤

刺閨

綱鑑易知錄 卷三十九 南北朝陳廢帝北周 十九

投籤階石
鏗然有聲

縣令多用
廝役

分判者前後相續。敕傳更耕籤。傳遞籤籌也。於殿中者必投籤於階石之上。令平聲鏗然有聲。曰吾雖眠亦令驚覺。教綱五月。陳以安成王頊為司徒。錄尚書事。徐陵為吏部尚書。綱冬十二月。齊始用士人為縣令。綱魏末以來。縣令多用廝役。因是士流恥為之。齊僕射夜元文遙以為縣令。治民之本。遂請革選。密擇貴游子弟發敕用之。悉召集神武門。令趙郡王叡睿宣旨慰諭而遣之。齊之士人為縣令自此始。

廢帝

名伯宗。文帝太子。在位二年。安成王頊廢為臨海王。尋薨。壽十九歲。

隋高祖楊
堅
兩姑之閒
難為婦

綱丁亥。陳主伯宗。光大元年。周天和二年。齊天統三年。春正月朔。日食。二月。陳安成王頊殺中書舍人劉師知。又殺僕射到仲舉。自是國政盡歸於頊。綱戊子。陳光大二年。周天和三年。齊天統四年。秋七月。周隋公楊忠卒。綱忠子堅為小宮伯。宇文護欲引以為腹心。忠曰。兩姑之閒難為婦。汝其勿往。堅乃辭之。至是忠卒。堅襲爵。綱冬十一月朔。日食。陳安成王頊廢其主伯宗為臨海王。而殺始興王伯茂。伯宗弟。綱齊主湛殂。綱齊上皇疾作。驛追徐之才。初上皇有疾。僕射徐之才善醫。療之既愈。

中書監和士開欲得次遷乃出之才為兗州刺史而代之未至疾亟以後事屬祝

和士開握其手曰勿負我遂殂

高宗宣帝名頊文帝弟初封安成王廢臨海王而自立在位十四年壽五十二歲

綱已丑陳高宗宣帝頊大建元年春正月陳主頊立周天和四年齊天統五年

綱秋八月陳廣州今廣東廣州府刺史歐陽紇痕入聲反

綱庚寅陳太建二年齊武平元年周天和五年春二月陳人討歐陽紇

斬之封陽春太守馮僕母洗先上聲氏為石龍太夫人

綱歐陽紇名陽春今廣東肇慶府陽春縣太守馮僕至南海即

州誘與同反僕遣使告其母洗夫人夫人曰我忠貞

陳馮母洗氏封石龍太夫人

然蕭引獨恬

兩世洗氏夫馮寶梁時為高涼太守簡文帝大寶元年梁高州刺史李遷仕反洗氏將千餘人寶從

之襲擊遷仕大破之故云今不能惜汝而負國也遂發兵拒境帥

諸酋長迎章昭達擊紇擒之斬於建康市紇之反也

士人流寓者皆惶駭前著作佐郎蕭引獨恬然曰管

幼安管寧字見二卷十四袁曜卿名渙三國魏人劉備舉渙茂才避地江淮後歸曹操

亦但安坐耳君子直已以行義何憂懼乎至是陳主

徵以為侍郎馮僕以其母功封信都侯遷石龍郡名治高

涼故城在廣東高州太守遣使持節見冊命洗氏為

石龍太夫人賜以繡幃顯○車上安車車以蒲裹輪行故安鼓

吹軍中樂於麾大將節見八鹵簿如刺日鹵簿

史之儀綱秋七月齊以和士開為尚書令目士開威

權日盛朝士不知廉恥者或為之假子士開傷寒醫

云應服黃龍湯士開有難色有候之者請先嘗之一

舉而盡

黃龍湯一舉而盡

綱辛卯陳太建三年齊武平二年周天和六年夏六月齊太宰段韶圍

周定陽克之獲汾州刺史楊敷目齊段韶引兵圍

定陽今山西汾州府介休縣周汾州刺史楊敷固守不下韶介

壯士千餘人伏於東南澗口城中糧盡敷走伏兵擊

擒之遂取汾州敷子素少多才藝以其父守節陷齊

未蒙贈諡申理再三周主大怒命左右斬之素大言

曰臣事無道天子死其分也周主壯其言贈敷大將

軍諡曰忠壯素漸見禮遇命為詔書下筆立成詞義

兼美周主曰勉之勿憂不富貴素曰但恐富貴來逼

臣臣無心圖富貴也綱秋齊琅邪王儼殺和士開

綱壬辰陳太建四年齊武平三年周建德元年春三月周主討其太師

宇文護殺之綱周主親政以其弟齊公憲為大冢宰

衛公直為大司徒

但恐富貴來逼臣

周太子獲
白鹿

綱癸巳陳太建五年齊武平四年周建德二年春三月周獲白鹿

周太子納
妃楊氏

太子贊獲白鹿以獻周主詔曰在德不在瑞

綱秋八月周太子贊賓納妃楊氏法書太子納妃不書此其書何著隋纂之始也

妃隋公堅之女也太子好昵銀入聲近小人左宮正宇文孝伯言於周主曰皇太子春秋尚少志業未成請

妙選正人為其師友調護聖質如或不然悔無及矣

周主斂容曰正人豈復過卿乃復以尉遲復姓運為右

宮正周主嘗問萬年今陝西西安府臨潼縣丞樂運曰太子何

如人對曰中人周主問運中人之狀對曰如齊桓公

張雕結何
洪珍為侍
中

是也管仲相之則霸豎貂刀輔之則亂見四卷十可與為

善可與為惡周主曰我知之矣乃妙選宮官以輔之

太子不悅綱冬十月齊主殺其侍中張雕崔季舒

齊國子祭酒張雕以經授齊主因與寵胡何洪珍相

結洪珍薦雕為侍中大見委信雕欲立效以報恩論

議抑揚無所回避省宮掖不急之費禁約左右驕縱

之臣貴幸側目陰謀陷之左丞封孝琰鹽上聲侍中崔

季舒皆祖琰時出為北徐州刺史所厚嘗謂琰為衣冠宰相近

習惡之會齊主將如晉陽見上季舒與雕議以為壽

綱

系金... 卷三十一 後主北周武帝 二二三

陽今江南鳳陽府壽州被圍陳吳明徹攻壽陽大軍出拒信使往還須

稟節度且道路相驚以為大駕畏避南寇則人情必

致駭動遂與從駕文官連名進諫韓長鸞言於齊主

曰諸漢官連名總署未必不反齊主悉召已署名者

集合章殿斬雕季舒等六人遂如晉陽

致堂胡氏曰張雕侍讀齊君義兼師友乃交結

變人欲行其志其意必曰姑與之合少貶無傷

也。不如是。不可以成大功。是其用。經不如王良

之用。轡也。忘詭遇之賤。冀十禽之獲。志不得就

雕之為儒也。 綱甲午陳太建六年齊武平五年周建德三年春正月周詔齊公憲等

張雕不如王良

皆進爵為王綱三月周太后叱奴氏死書嘉終喪也白漢文

廢古後之人主能終制者音武魏文周武 太后殂周主居倚廬見三一音註同下胡氏 朝夕進一溢米二十四

一曰溢禮喪大記朝一溢米莫一 及葬周主跣先上

徒足 行至陵所詔曰三年之喪達於天子但軍國務

重須自聽朝衰麻之節苦閃平聲○苦塊廬倚廬之

禮率遵前典以申罔極詩小雅蓼莪篇欲報之德具

母之恩欲報之以德而其恩之大如天無窮不知所以為報也 百僚宜依遺令既葬

而除公卿固請依權制周主不許卒申三年之制五

周武終喪

綱鑑易知錄 卷三十九 南北朝陳宣帝北齊 二三四

服之內亦令依禮。

春秋之義
貴備賢者

致堂胡氏曰自漢文短喪之後能斷然行三年者惟晉武帝魏孝文周高祖可謂難得矣然春秋之義責備賢者晉武既為裴傳所惑行禮不備魏孝文之禮若備矣而服非所服周高祖衰麻苦塊卒三年之制最為賢行然推明通喪止於五服之內不及羣臣非所以教天下著於君臣之義也而不在喪頻出遊幸無門庭之寇與稽古之臣以禮所不得為者由高祖不學左右無輔成之也註音塊記作出漢文見十二卷十文見三六卷二七苦草薦也塊土塊也禮喪大記寢苦枕由註寢苦者哀親之在草也枕白者在土也

周廢佛道
二教

綱夏五月周廢佛道教毀淫祠

法書於是佛教再黜道教三黜矣然魏誅

沙門七年而復周廢二教六年音魏誅沙門見初而復其異端撲滅之難如此哉註三五卷二七

周主定三教先後以儒為先道為次釋為後至是遂禁佛道二教經像悉毀沙門道士並還俗諸淫祠非祀典所載者盡除之。

致堂胡氏曰物壞則蟲育木朽則蠹生人少則禽獸繁氣衰則邪沴入中國之有異端也亦然聖王不作三綱淪九法斁於是反常悖道之說肆行而不可遏矣周武奮然攘而闢之其意善矣然終不能絕何也曰欲闢異端者必隆儒術求賢人明仁義興教化而後人心正邪說息矣周武於此闕如也又況註音陰陽氣亂日沴繼以嗣子之狂昏哉

綱周更鑄五行大布錢目一當十與布錢見上並行

錢五行大布

周立通道觀

綱周立通道觀

賈

法書

嘉統

也。周主可謂

宗矣。故書美之。

綱以壹聖

賢之教也

綱乙未

陳太建七年齊武平六年周建德四年

春三月周使開府儀同

三司伊婁謙如齊齊人留之

綱齊主言語澀

森入

訥不喜見朝士非寵私昵

銀入

狎未嘗交語好自彈

琵琶為無愁之曲民間謂之無愁天子於華林園

彰在

德府

立貧兒村白衣

去聲

藍縷

同縷縷敝衣也

之服行乞其

閒以為樂濫得富貴者殆將萬數乃至狗馬及鷹亦有儀同郡君之號皆食其祿周主謀伐之使開府儀

無愁天子

陳焚文錦于雲龍門

同三司伊婁

複姓

謙聘於齊以觀釁其參軍高遵以情

告齊人齊人留謙等不遣

綱夏四月陳焚文錦于雲

龍門

龍門

治壽陽今江南鳳陽府壽州

陳桃根得青牛以

獻陳主還之又表上織成羅文錦被詔於雲龍門外

焚之

綱丙申

陳太建八年齊隆化元年周建德五年

夏六月陳太子詹事江

總免

法書詹事耳何以書亡陳者總輩也故志之

綱初陳太子叔寶欲以

江總為詹事孔奐

吏部尚書

日江有潘陸

潘岳陸機陸雲

之華而無園綺

東園公綺里季

之實不可太子深以

潘陸之華

園綺之實

為恨。自言於陳主。許之。總遂與太子為長夜之飲。養良娣。見二十五卷二十一陳氏為女。太子亟器微行也。游總家。陳主怒。免總官。**綱**冬十月。周主伐齊。取平陽。今山西平陽府十一月。齊主攻之。不克。十二月。周主復伐齊。齊主大敗。走晉陽。見上遂奔鄴。見上晉陽人立安德王延宗以守。周主拔而執之。

綱丁酉。陳太建九年。齊幼主恆承光元年。周建德六年。是歲齊亡。陳周二大國。後梁一小國。凡

國。春正月。朔。齊主緯傳位于太子恆。周師圍鄴。緯出走。周主入鄴。齊丞相高阿那肱引周師追緯及恆。獲

齊傅伏降周

之。遂滅齊。**綱**三月。齊東雍州行臺傅伏降周。初。周主招齊東雍州刺史傅伏。不從。周主自鄴還至晉州。

今山西遣高阿那肱等百餘人臨汾水。源出山西大

平陽府安邑縣西。南入河。名伏。伏隔水問至尊何在。阿那肱

曰。已被擒矣。伏仰天大哭。帥眾入城。於聽事中庭前

北面哀號良久。然後出降。周主見之曰。何不早下。伏

流涕對曰。臣三世為齊。臣食齊祿。不能自死。羞見天

地。周主執其手曰。為臣當如此。乃以所食羊肋骨賜

伏曰。骨親肉疎。所以相付。遂引使宿衛。授上儀。同大

羊肋骨 骨親肉疎

周焚九尾狐

將軍綱夏四月周主至長安見上封高緯為溫公綱五月周主毀其宮室之壯麗者綱秋八月周獲九尾狐綱焚之綱鄭州今河南開封府鄭州獲九尾狐白虎通德至鳥獸則九尾狐見吳越春秋禹娶塗山乃有白狐九尾應之已死獻其骨周主曰瑞應之來必彰有德今無其時恐非實錄命焚之綱冬十月周主殺溫公高緯夷其族法書自巳卯書齊滅元氏之族矣理可畏矣哉綱十一月周省後宮妃嬪之數

右北齊六主合二十八年

周主初服常冠

綱戊戌

陳太建十年周宣帝贊宣政元年

春三月周主初服常冠

法書

襍頭

們其杖痕大罵

此後世襍頭之始嗚呼自有此目其制以阜紗全幅製以來三代古制遂不可復矣

向後襍僕僕同

髮仍裁為四脚綱

夏五月周主邕伐突厥見上卷

有疾而還六月殂太子贊立是為

以鄭譯

為內史中大夫太子即位即逞奢欲會無戚容捫其杖痕大罵曰死晚矣

綱周主贊殺其叔父齊王憲

綱

綱

綱

綱

綱

綱

周主以齊王憲屬尊望重忌之乃與于智鄭譯等謀

密使智告憲有異謀名憲入殿伏壯士執之憲自辯

理周主使智證之憲目光如炬與智相質既而歎曰

死生有命寧復圖存但老母在堂恐留茲恨耳因擲

周齊王參
軍李綱
周立后楊氏

笏於地遂縊意之周主召憲僚屬使證成憲罪參軍
李綱以死自誓終無撓辭撫棺號慟躬自瘞意也之
哭拜而去綱閏月周立后楊氏秋七月周以楊堅
后為上柱國大司馬

周作刑經
聖制

綱己亥陳太建十一年周靜帝闡大象元年春正月周作刑經聖制

周主初立以高祖武帝刑書要制建德六年十一月周頒刑書要制羣盜賊

一匹及正長隱五丁為太重而除之既而民輕犯法

又自以奢淫多過失惡人規諫欲為威虐攝服羣下

乃更為刑經聖制用法益深綱二月周治洛陽宮周

洛陽為東京發山東諸州兵四萬人治其宮室綱周主贊傅位于太子闡

帝靜自稱天元皇帝綱周徙石經還洛陽東漢靈帝立

太學門外東魏孝靜帝遷石經于鄴見上卷二綱夏五月周諸王皆就國

綱秋七月陳初用大貨六銖錢以一當五銖之十與

人皆不便乃相與譎言六銖錢有不綱冬十月周主

贊復道佛像陳雜戲令士民縱觀十一月周鑄末

通萬國錢一當千

綱庚子陳太建十二年周太象二年春正月周稅入市者人一錢

綱夏五月周主贊殂隋公楊堅自為大丞相假黃鉞

永通萬國
錢
周稅入市
者人一錢

大貨六銖
錢

見三四卷二九居東宮徵諸王還長安。曰天元昏暴滋甚。后父隋公堅位望隆重。天元忌之。嘗因忿謂后曰。必滅爾家。天元不豫。堅稱受詔居中侍疾。天元遂死。周主入居天臺。尊楊后為皇太后。以楊堅為大丞相。假黃鉞。都督中外諸軍事。以正陽宮為丞相府。時衆情未壹。堅引司武上士盧賁置左右。潛令部伍仗衛。因召公卿謂曰。欲求富貴者宜相隨。至東宮門者拒不納。賁叱之。堅乃得人賁。遂典丞相府宿衛。以鄭譯為長史。劉昉為司馬。李德林為府屬內史。下大夫高穎。憬。

騎虎之勢

明敏有器局。習兵事。多計略。堅欲引之。遣楊惠諭意。頰欣然許之。曰。縱令公事不成。頰亦不辭。滅族乃以為司錄。堅革宣帝苛酷之政。更為寬大。刪略舊律。作刑書要制。奏而行之。躬履節儉。中外悅之。堅夜召太史中大夫庾季才問曰。天時人事何如。季才曰。天道精微。難可意測。以人事卜之。符兆定矣。獨孤複夫姓人亦謂堅曰。騎虎之勢。必不得下。勉之。綱周復佛道。二教書法堅意也。堅將有他志。以綱周相州今河南彰德府總管蜀公尉遲迥舉兵相州。討丞相堅。堅遣韋孝寬將

綱監易印彖

卷三九

南北朝陳宣帝北周

三十

綱鑑易知錄卷三十九

兵擊之。綱。秋八月。周尉遲迥兵敗自殺。周丞相堅

以高頴為司馬。綱。周丞相堅以其世子勇為洛州河今

南河總管。周明帝武成元年。綱。冬十一月。周相州總

管鄭廣德安府境內。公韋孝寬卒。綱。十二月。周丞相

堅自為相國。進爵隋王。加九錫。見二十八卷二十九

尺木堂綱鑑易知錄卷三十九

早稲田大学図書館

011688996416